

陳法拉演出由張家輝自編自導自演的新片《贖夢》已經上畫，她與家輝飾演恩愛夫妻，但因投資失利導致二人關係產生巨變。法拉笑言第一次為角色減肥，大呻冇得吃美食，比戲中角色更慘！現居美國的她坦言小朋友年紀太小，暫時不會拍劇，故她希望將來可以像荷里活巨星一樣，獲劇組安排小朋友同行。

採、攝：記者 達里



只要角色有發揮，法拉不介意扮醜。



外表斯文的法拉笑言亦有瘋狂一面。

減肥演「瘋婦」呻慘

法拉盼拍劇待遇 睇齊荷里活巨星

雲浩影爆鄧麗欣頸肩受傷



鄧麗欣(左)與雲浩影分享扮靚心得。

雲浩影(Cloud)和鄧麗欣(Stephy)昨日出席化妝品牌的期間限定店活動，談到兩代女神同場較勁，Stephy笑言：「的確係兩代，因為我出道較早，但唔好話比拚，係一齊扮靚。」Cloud讚Stephy在演唱會表演轉風火輪很出色，不過踢爆對方頸肩受傷。Stephy透露練習時拉傷頸肩，但因觀眾熱情令她忘記痛楚。Cloud表示很羨慕Stephy在紅館開騷，Stephy說：「我好期待你嘅演唱會，我可以做嘉賓表演風火輪。」Cloud即興奮說：「到時一齊表演風火輪。」

陳法拉讚張家輝能演又能導，讓演員很清楚他想要什麼效果：「例如佢講咗我哋戲中兩公婆嘅關係，之後就畀我自由發揮，因為我信任呢位導演，基本上唔使試戲或者用第二種演法。」法拉指家輝是演員出身，很明白演員面對的問題：「佢帶畀我同其他合作過嘅導演有唔同感覺，化學作用更大。」對於放下美貌演瘋婦，她笑言：「其實我都係做番自己，我都唔知點解一直畀人印象係斯文、鄰家女孩嘅感覺，我都希望演嘅角色可以尺度大啲，有甜蜜、有瘋狂，每個角色都有深度同層次。」

想執導西部片

法拉坦言以前害怕演歇斯底里的角色，故今次在戲中盡量讓情緒投入，希望能「自然」演出。她又稱首次為角色減磅：「導演要求我減五六磅，但拍嗰陣係聖誕前後，我只能望住家人食聖誕大餐，而且我同家輝係先拍兩公婆幸福嘅戲，到臨近聖誕拍辛苦部分，我覺得自己比電影角色更加慘！」

曾執導演筒拍短片的法拉坦言仍有導演夢，希望挑戰拍西部片：「如果能夠開拍西部片，我就未必會演喇，因為要專心做導演



法拉讚家輝是非一般導演，讓演員自由發揮。

同研究劇本。我唔似家輝咁厲害。」問到會否再拍劇？她坦言小朋友年紀尚小，不想離開他們太久，要長時間拍劇有一定難度：「等小朋友再大啲啦！希望將來可以好似外國明星咁，例如妮歌潔曼之前嚟香港拍劇，劇組安排佢帶小朋友同行。」法拉讚這種安排可以讓演員少了顧慮，更能專心演出。

裕美靠愛犬走出抑鬱

裕美到新城廣播接受訪問，提到她與男友林作飼養兩隻貴婦狗及兩隻唐狗，她表示從小到大都在狗狗陪伴下成長，早年患嚴重抑鬱症時，全靠愛犬獲得溫暖：「當時唔想見人，匿埋喺屋企成日失控咁喊，好似跌咗落地獄，但我隻狗會主動走嚟我身邊坐定定，見我流淚，佢會舐我面上嘅眼淚，佢會盡所能安慰我，呢份溫暖好難得。」裕美指狗狗的世界只有她，故喜歡毛孩多過人：「人一變你係唔知會有幾恐怖，狗最多係百厭，所以有咩事我都擺條命保護啲狗。」



裕美是愛狗之人。

龔嘉欣積極相睇 揀男友唔使靚仔

龔嘉欣昨日到大埔出席《春日恐龍城堡》開幕禮，獲男粉絲送玫瑰花。她透露下月與陳山聰、蕭正楠、冼靖峰、馬國明及丁子朗於雲頂舉行演唱會，雖然對上一次登台已是10年前，不過她一直有練歌，加上只唱3首歌，難度不算太高。她覺得自從台慶當晚抽到大利是後一直行運，除了奪視后殊榮，財運亦滾滾來，她直言視后頭銜為她帶來很多工作機會，最近拍了兩個廣告，稍後亦會再拍廣告。

問到可想行桃花運？嘉欣笑言努力中，身邊朋友亦積極安排相睇飯局：「其中有個外國返嚟嘅男仔，唔知我係邊個，但覺得咁仲好。」她坦言擇偶無分圈外或圈內人，最重要能夠相處：「我都有好多地方需要包容，要了解吓先。」並強調不注重外表。問到飯局後可有下文？她坦言：「慢慢嚟啦！人大咗目標想結婚。」



龔嘉欣晒白滑玉背，明艷照人。